

Miroslav, Vidaković Tomislav i veći broj drugih njima poznatih lica iz Bosne i Hercegovine i drugih država, koja je formirana radi činjenja krivičnih djela propisanih krivičnim zakonima u Bosni i Hercegovini, s ciljem sticanja protupravne imovinske koristi, te djelovala na području BiH, Republike Srbije, više država Evropske unije, među kojim Republike Austrije, Republike Hrvatske, Švicarske, Kraljevine Španije, Nizozemske, SR Njemačke, a pojedini članovi i državama Južne Amerike, pa je tako Matković Milan u međusobnom dogovoru sa ostalim pripadnicima donosio odluke o djelovanju grupe, odluke o izvršenju krivičnih djela, podjeli protupravne koristi stečene krivičnim djelima, dok su pripadnici grupe postupali po njegovim naredbama i uputstvima, gdje je svako od njih imao svijest i znanje o određenim zadacima, radnjama izvršenja i doprinosu drugih pripadnika tokom izvršavanja krivičnih djela, te tom prilikom preduzimali i radnje koje su na odlučujući način doprinosili djelovanju ove grupe, svi svjesni zabranjenosti ovih radnji i htijući njihovo izvršenje, pa su tako članovi ove grupe u navedenom vremenskom periodu činili krivična djela Neovlaštenog prometa opojnim drogama iz člana 195. KZ BiH, svi svjesni da nemaju odobrenje nadležnog organa za prodaju, prenos, kupovinu, držanje, prevoz, slanje, isporuku, uvoz i izvoz supstanci ili preparata koji su propisom proglašeni opojnim drogama, i to „Kokain“, i „Cannabis sativa L“, koje opojne droge su Konvencijom o psihopatskim supstancama iz 1971. godine i Popisom opojnih droga psihotropnih tvari, biljaka iz kojih se može dobiti opojna droga i prekursora („Službeni glasnik BiH“, broj: 08/06, 103/08 i 51/11) proglašene opojnom drogom i čiji promet se može obavljati samo na temelju dozvole nadležnog organa izdate na osnovu Zakona o sprečavanju i suzbijanju zloupotrebe opojnih droga BiH („Službeni glasnik BiH“, broj: 08/06, 103/08 i 51/11) i Konvenciji UN protiv nezakonitog prometa opojnih droga i psihotropnih supstanci iz 1988. godine, krivično djelo Pranja novca iz člana 209. KZ BiH, a u cilju kontinuiranog i neometanog djelovanja ove grupe u navedenom periodu činila i krivična djela Krivotvorenje isprave iz člana 373. Krivičnog zakona Federacije Bosne i Hercegovine, Krivotvorenje službene isprave iz člana 226. KZ BiH, kao i krivično djelo Pripremanje krivičnog djela iz člana 339. KZ FBiH, u vezi sa krivičnim djelom ubistva iz člana 166. stav 2. KZ FBiH i podstrekavanje na počinjenje krivičnog djela ubistva iz člana 166. stav 2. KZ FBiH, koristeći za međusobnu komunikaciju, dogovaranje i izvršenje krivičnih djela posebno podešene mobilne telefone sa instaliranom aplikacijom „ANOM“ namijenjenom za ostvarivanje zaštićene, kriptovane komunikacije, u kojim komunikacijama su dogovarali vrijeme, mjesto i način izvršenja krivičnih djela, kako između sebe, tako i sa ostalim članovima ove grupe za organizovani kriminal i drugim njima poznatim licima, a tom prilikom koristili JID-ove (jedinstveni kod za ANOM uređaj) i to: [REDACTED]

lica za iznos od 1.600,00 Eura u Mostaru kupio dva kriptovana telefona, a poslije ih predao članovima ove grupe, znajući da su namjenjeni za dalju komunikaciju članova ove grupe pri činjenju ovih krivičnih djela, dok je Vidaković Tomislav, kao član ove grupe za organizovani kriminal između ostalog dana 11.11.2020. godine, vršio opservaciju u vezi policijskih aktivnosti na području Trebinja i opštine Ravno, sve čineći kako bi osigurali nesmetano i kontinuirano djelovanje ove grupe, te na odlučujući način doprinoseći činjenju krivičnih djela neovlaštenog prometa opojnim drogama, da bi u navedenom vremenskom periodu:

Matković Milan i [REDACTED] sa drugim njima poznatim licima

Dana 21. i 22.01.2021. godine, Matković Milan i Ratković Saša od njima poznatog lica [REDACTED] iz Južne Amerike radi dalje prodaje na području Europe, kupili opojnu drogu kokain u količini od 300 kg po cijeni od 3.950,00 dolara po kilogramu, na način da su posredstvom kriptovane aplikacije ANOM razmjenili tzv. "token", i to dana 24.01.2021. godine fotografiju dijela novčanice države Surinam, serijskog broja [REDACTED], a Matković Milan i Ratković Saša posredstvom njima poznatog lica koje je koristilo telefon pozivnog broja države Surinam, dogovorili predaju i isplatu novca [REDACTED], a zatim istog dana od strane [REDACTED] posredstvom kriptovane aplikacije ANOM dobili potvrdu uplate navednog novčanog iznosa u vidu iste novčanice, na kojoj se nalaze ručno uneseni podaci o količini opojne droge, datumu plaćanja i potpisom, a neposredno nakon toga bili obavješteni od strane [REDACTED] Ratković Saše, koji se nalazio u Argentini, da je od strane [REDACTED] preuzeo navedenu opojnu drogu, da bi potom posredstvom njemu poznatih lica organizovao dalji transfer opojne droge u Europu, a dana 27.01.2021. godine, Matković Milan i Ratković Saša ponovo dogovorili da na isti način izvrše kupovinu opojne droge kokain u količini od 350 kg po cijeni od 3.950,00 dolara od [REDACTED], da bi im dana 28.01.2021. godine "token" za prodaju ove opojne droge poslalo njima: poznato lice [REDACTED], sa kojim se Matković Milan tada nalazio u Istanbulu, R Turska, a oni potom posredstvom njima poznatog lica koje je koristilo telefon pozivnog broja države Surinam, dogovorili predaju i isplatu novca sa [REDACTED], a potom istog dana posredstvom kriptovane aplikacije ANOM dobili potvrdu uplate navednog novčanog iznosa u vidu novčanice države Surinam, serijskoj broja [REDACTED], na kojoj se nalaze ručno uneseni podaci o količini opojne droge "350 kg", datumu plaćanja "28.01.2021." i vlastoručnim potpisom, a potom posredstvom njima poznatih lica organizovali dalji transfer ove opojne droge u Europu;

Matković Milan i R.S. sa drugim njima poznatim licima

Tokom mjeseca novembra 2020. godine, Matković Milan i Ratković Saša sa njima poznatim licem, dogovorili kupovinu opojne droge „Cannabis sativa L“, u Sevilji, Kraljevina Španija, s ciljem dalje prodaje navedene droge u Frankfurtu, SR Njemačka, da bi nakon toga izvršili kupovinu 38 kg ove opojne droge, a zatim sa njima poznatim licima dogovorili uslove transporta droge iz Sevilje u Frankfurt za dan 20.11.2020. godine, kojeg dana je kamionom i prevezena u Frankfurt, da bi potom po njihovim uputama tu bila istovarena, a zatim i prodana njima poznatim licima;

Matković Milan zajedno sa drugim licima

Tokom mjeseca maja 2021. godine, zajedno sa [REDACTED] posredstvom njima poznatih lica, koja su koristila teretno motorno vozilo organizovali prijevoz, preuzimanje i dalju prodaju 10 kg. opojne droge kokain u R Austriji, Beč, da bi dana 17.05.2021. godine na lokaciji [REDACTED], po prethodnim uputama Matković Milana i [REDACTED], [REDACTED] preuzeo 10 kg opojne droge kokain, a koju je neposredno nakon toga radi dalje prodaje na lokaciji [REDACTED] Beč, R Austrija, predao [REDACTED] u količini od 2.997,8 grama, [REDACTED] u količini od 500,8 grama, te njemu poznatom licu količinu od 3.503,7 grama, a količinu od 2.997,8 grama radi dalje prodaje, držao u stanu koji je koristio u ulici [REDACTED] Beč, da bi istog dana [REDACTED] od strane službenika sigurnosno-obavještajne službe Beč, Saveznog ministarstva unutrašnjih poslova R Austrije, bili lišeni slobode, a kojom prilikom je i zaplijenjena navedena opojna droga;

Matković Milan, S.V. i B.M.

U navedenom vremenskom periodu, Vasilije Stjepić po uputama Matković Milana na njemu poznatim lokacijama na području Brčko Distrikta BiH držao opojnu drogu kokain, te u više navrata, prenosio ili posredovao u međunarodnom prenosu opojne droge i novca koji je služio za kupoprodaju iste, koristeći više motornih vozila sa ugrađenim tzv. štekovima, među kojima i pmv Mercedes Benz broj šasije [REDACTED], pa je tako između ostalog na pomenuti način dana 25.01.2021. godine, po uputi Matković Milana prevezao preko državne granice BiH i R Hrvatske na područje grada Zagreba opojnu drogu kokain u količini od tri kilograma, dok je po uputi Matković Milana, dana 25.02.2021. godine, radi dalje prodaje njemu poznatom licu [REDACTED] na području Brčko Distrikta BiH, predao 200 grama opojne droge kokain i 3.400,00 Eura, te istog dana radi dalje prodaje 200 grama ove opojne droge predao i Blagojević Mitru u Brčko distriktu BiH;

Matković Milan i S.V.

U vremenskom periodu od 13.5.2021. godine pa do 15.5.2021. godine, Milan Matković u Republici Sloveniji posredovao u međunarodnoj prodaji opojne droge kokain, na način da je prethodno na području Slovenije posredstvom njemu poznatog lica koje koristi JID [REDACTED] kupio opojnu drogu kokain u količini od 10 kilograma, te istu potom u noći između 14. i 15.5.2021. godine na lokaciji [REDACTED] Ljubljana kod trgovačkog centra [REDACTED] prodao njemu poznatom licu koje koristilo JID [REDACTED] za dogovoreni novčani iznod od 35.000 eura po jednom kilogramu, da bi potom dao upute Stjepić Vasiliju da mu iz Slovenije prenese novac koje je naplaćen za pomenutu količinu opojne droge kokain, što je Vasilije Stjepić i učinio, te na njima poznat način prenio pomenuti novac iz R Slovenije u BiH, u vremenskom periodu od 30.5.2021. godine do 05.6.2021. godine, koje je potom predao Matković Milanu;

Matković Milan i Š.D.

U okviru navedenog vremenskog perioda, Šiniković Dražen postupajući po uputama Matković Milana, stavljao mu na raspolaganje vozila koja su imala posebno ugrađene „štekove“ za prevoz opojne droge, a koja je Dražen posjedovao kao direktor i ovlašteno lice „Šiniković“ d.o.o Trebinje, te posredovao Matković Milanu i u pronalasku lica koja bi vršila prevoz opojnih droga, pa je tako dana 07.11.2020. godine, Šiniković Dražen u svrhu prenosa opojne droge kokain angažovao njemu poznato lice da sa teritorije Turske izvrši prijevoz opojne droge „kokain“ i „Cannabis sativa L“ u tačno neutvrđenoj količini, a koje je o svom kretanju obavještavao Šiniković Dražena, a on Matković Milana, a ujedno po njegovim uputama pronalazio i za račun Matković Milana kupovao mu teretna i priključna vozila, koja je Matković Milan s ciljem pravljenja štekova, koji bi se koristili za međunarodni prenos opojne droge i to teretno vozilo „MAN“ broj šasije [REDACTED], priključno vozilo marke „SCHMITZ“, reg. broj šasije [REDACTED], a dana 07.02.2020. godine u Sarajevu, predao 200 grama opojne droge kokain njemu poznatom licu u Sarajevu, a o čemu je obavjestio lica koje je koristilo JID [REDACTED] kriptovane aplikacije ANOM, te mu za dan 12.02.2020. godine, ponudio na prodaju 50 g opojne droge kokain;

Matković Milan i B.M.

U navedenom vremenskom periodu Matković Milan i Blagojević Mitar, zajedno dogovarali pravljanje laboratorije za uzgoj i proizvodnju opojne droge „Cannabis sativa L“ na području Foče, gdje je Blagojević Mitar i boravio, s ciljem da za potrebe ove grupe za organizovani kriminal, obezbjede dovoljne količine opojne droge, koje bi prodavali na međunarodnom ilegalnom tržištu, te je u tom pravcu Blagojević Mitar vršio opservaciju prostora koji bi se koristili za ove namjene, o čemu je redovno i kontinuirano obavještavao Matković Milana, a dana 18.11.2020. godine na području Foče i pronašao adekvatan prostor za te namijene, da bi u cilju realizacije njihovog dogovara Matković Milan za vrijeme dok se nalazio u Republici Turskoj, za potrebe ove laboratorije u Foči nabavio i 20 lampi koje se koriste za uzgoj i proizvodnju opojne droge „Cannabis sativa L“;

Matković Milan i S.D.

U navedenom vremenskom periodu Matković Milan i Supić Dragan, dana 04.11.2020. godine, posredovali u međunarodnoj kupovini i prodaji opojne droge kokain, na taj način što su na području Amsterdama, Nizozemska, kupili pet 5 kilograma opojne droge kokain označene kao „COLO-BMW“, da bi potom radi dalje prodaje navedene opojne droge i njenog međunarodnog transporta, posredstvom njima poznatih lica, isti isporučili na području Nizozemske, tokom mjeseca decembra 2020. godine, posredstvom njemu poznatog lica na području Švicarske izvršili neovlaštenu međunarodnu prodaju 5 kilograma opojne droge kokain označenog kao „Lion“, a dana 28.01.2021. godine, posredstvom njima poznatih lica u Beču, Republika Austrija, sa

namjerom dalje međunarodne prodaje opojne droge, nabavili 35 kilograma opojne droge kokain, te potom posredstvom njima poznatih lica isporučili u Cirihi, Švicarsku;

Matković Milan i V.T. zajedno sa njima poznatim licima

Dana 14.11.2020. godine, Matković Milan nakon što je sa njemu poznatim licem iz R Srbije, koje je koristilo JID [REDACTED], dogovorilo nabavku i prevoz 2 kg opojne droge kokain sa štembiljem "Lion" za dan 16.11.2020. godine iz R Srbije u BiH, a koju bi posredstvom [REDACTED] prodao na području opštine Trebinje i Ravno, o tome obavjestio Vidaković Tomislava i dao mu uputu da ovu opojnu drogu preuzme i drži u tzv. "šteku" i po potrebi predaje [REDACTED], da bi dana 16.11.2020. godine njima dva poznata lica sa pmv VW Tiguan reg. oznaka [REDACTED], u kojem je bilo ugrađeno posebno mjesto za prenos opojne droge, preko GP Vardište izvršila uvoz ove opojne droge u BiH, te ovu opojnu drogu Vidaković Tomislavu i [REDACTED] predali na placevima Matković Milana, opština Ravno, a nakon toga Vidaković Tomislav, koji je ovu opojnu drogu držao u tzv. šteku, po zahtjevu [REDACTED] radi njene dalje prodaje u narednom periodu mu predavao u manjim količinama, a za čuvanje ove opojne droge po uputama Matković Milana dobivao novčanu naknadu;

Matković Milan, S.V. zajedno sa njima poznatim licima

Dana 07.01.2021. godine, Matković Milan obavjestio Stjepić Vasilija da će mu njima poznato lice u BiH iz R Hrvatske, donijeti i predati 7 kg opojne droge kokain, te mu dao uputu da ovu opojnu drogu Vasilije preuzme na području Brčko distrikta BiH, a da po preuzimanju za sebe zadrži 3 kg, a potom da 1 kg preda u ime Matković Milana u Trebinje njima poznatom licu, a 1 kg da preda njima poznatom licu [REDACTED], te da [REDACTED] preda 2 kg, da bi navedenog dana njima poznato lice sa područja R Hrvatske u BiH izvršilo unos ove opojne droge, te istu predalo Stjepić Vasiliju u Brčkom, a on postupajući po prethodnim uputama Matković Milana ovu opojnu drogu, dana 08.01.2021. godine, sam ili posredstvom njemu poznatih lica u dogovorenim količinama predao navedenim licima u BiH, a zatim, po dogovoru sa Matković Milanom 11.01.2021. godine otišao u R Srbiju, pmv Mercedes benz GLK 220 BH reg. oznaka [REDACTED], te njima poznatom licu predao svoj novac i novac Matković Milana u iznosu od 30.000,00 Eura, a potom se istog dana vratio u BiH, te istim vozilom uputio u R Hrvatsku, gdje je opojnu drogu kokain u količini od 3 kg predao njemu poznatom licu u Zagrebu, R Hrvatska;

Matković Milan, S.V., R.V., V.T. zajedno sa njima poznatim licima

Nakon što je Matković Milan sa njemu poznatim licem iz R Srbije, početkom decembra 2020. godine, dogovorio kupovinu 2 kg opojne droge kokain, dao uputu Stjepić Vasilije da ovu opojnu drogu preuzme i preveze iz R Srbije u BiH, pa je dana 05.12.2020. godine, Stjepić Vasilije postupajući po prethodnim uputama Matković Milana preko GP Rača ušao u R Srbiju, a zatim od njemu poznatog lica preuzeo opojnu drogu, da bi istog dana preko istog graničnog prijelaza navedenu drogu iz R Srbije uvezao u BiH, a potom je po daljim uputama Matković Milana predao njima poznatom licu [REDACTED], kojeg je prethodno Matković Milan angažovao da pomenutu opojnu

drogu preveze u Trebinje i preda Vidaković Tomislavu, kojem je prethodno dao uputu da istu preuzme, da bi zbog navodnog pretresa od strane policije njima poznatoga lica „[REDAKTIRANO]“ i vozila kojim je upravljao, ova opojna droga ostala u Sarajevu, a potom Matković Milan dao uputu Rakić Vladici da preuzme opojnu drogu u blizini jednog ugostiteljskog objekta u Sarajevu, što je on i učinio dana 07.12.2020. godine, te istovremeno obavjestio Vidaković Tomislava da će ovu „akciju“ dalje voditi [REDAKTIRANO], a koji je organizovao dalji transport ove opojne droge za Trebinje, te dao uputu Rakić Vladici da ovu opojnu drogu preda njima poznatom licu, što je Vladica i uradio istog dana, da bi potom njima poznato lice predalo navedenu opojnu drogu [REDAKTIRANO] dana 08.12.2020. godine u Trebinju, a on opojnu drogu stavio u tzv. štek koji se nalazio kod Vidaković Tomislava, da bi Stjepić Vasilije dana 18.12.2020. godine na području opštine Trebinje, organizovao primopredaju opojne droge kokain između Vidaković Tomislava i njima poznatog lica, dajući im upute gdje treba da se nađu, da bi nakon preuzimanja ove opojne droge Vidaković Tomislav odnio i stavio u tzv. štek i tu držao, a dana 21.12.2020. godine [REDAKTIRANO] preuzeo 500 g opojne droge kokain.

II

U navedenom vremenskom periodu, djelujući u sastavu grupe za organizovani kriminal, međusobno povezanim radnjama, djelujući s ciljem nabavke i upotrebe krivotvorenih javnih isprava - ličnih i putnih isprava kao pravih, svjesni zabranjenosti ovih radnji i htijući učinjenje istih:

Matković Milan i V.T.

Tokom 2020. godine, Matković Milan od njemu poznatog lica pribavio krivotvorenu putnu ispravu Republike Sjeverne Makedonije, sa svojom fotografijom, a ličnim podacima na ime [REDAKTIRANO], u kojoj nije bilo evidentiranih podataka o prelascima državnih granica zbog čega je korištenje ove isprave Matković Milanu bilo otežano, pa je u cilju upotrebe ove krivotvorene isprave kao prave i putovanja u Republiku Tursku pod lažnim „identitetom“, početkom novembra 2020. godine dao uputu Vidaković Tomislavu, da se u ovu ispravu posredstvom njemu poznatih lica utisne štembilj Granične policije BiH (GP BiH), čime bi se ujedno evidentirao „fiktivni“ ulazak u BiH lica [REDAKTIRANO] u elektronskoj bazi podataka o ulascima i izlascima lica koju vodi GP BiH, da bi Vidaković Tomislav znajući da se radi o krivotvorenoj putnoj ispravi upućivanjem molbe [REDAKTIRANO] da on realizuje navedeno, kod njega formirao odluku za počinjenjem ovog krivičnog djela, te mu potom predao ovu putnu ispravu, a zatim [REDAKTIRANO] znajući da se radi o krivotvorenoj putnoj ispravi, uputio molbu [REDAKTIRANO], graničnom policajcu BiH, zaposlenom na Međunarodnom graničnom prelazu (MGP) Klobuk između Bosne i Hercegovine i Crne Gore, na poslovima i zadacima graničnih provjera nad licima i vozilima, da utisne štembilj GP BiH u ovu putnu ispravu i izvrši unos podataka o ulasku ovog lica u BiH u službene evidencije GP BiH, na koji način je kod njega formirao odluku za počinjenjem ovog krivičnog djela, a potom mu u Trebinju i predao navedenu putnu ispravu, da bi [REDAKTIRANO] dana 05.11.2020. godine, obavljajući poslove graničnog policajca MGP Klobuk, znajući da lice [REDAKTIRANO] nije prešlo ovaj granični prijelaz iz Crne Gore u BiH, izvršio unos podataka u

službene evidencije elektronske baze podataka GP BiH o ulascima i izlascima lica, u kojoj je evidentirao ulazak lica [REDACTED] u BiH, kao saputnika u putničkom motornom vozilu reg. oznaka [REDACTED], kojim je upravljao [REDACTED], a potom u navedenu putnu ispravu utisnuo službeni štembilj GP BiH, broj [REDACTED], a Matković Milan, dana 15.11.2020. godine, prilikom izlaska iz BiH i putovanja u R Tursku ovu krivotvorenu putnu ispravu upotrijebio kao pravu, predočivši je pripadnicima Granične policije BiH, koji granične provjere nad licima vrše na Međunarodnom aerodromu Sarajevo, a potom ovu istu ispravu na ovom aerodromu predočio pripadnicima Granične policije BiH i prilikom ulaska u BiH, dana 28.03.2021. godine, što je evidentirano u službenim evidencijama GP BiH o ulascima i izlascima lica preko državne granice;

Matković Milan, Č.M., R.V. i B.M.

U drugoj polovini 2020. godine, nakon što je u ranijem periodu Matković Milan, Rakić Vladici od njemu poznatog lica pribavio krivotvorene isprave R Hrvatske i to putovnicu serijskog broja [REDACTED] i osobnu iskaznicu Republike Hrvatske broj [REDACTED], na kojima se nalazi fotografija Rakić Vladice, a lični podaci na ime [REDACTED], Matković Milan s ciljem da na identične lične podatke Rakić Vladici, pribavi krivotvorene isprave i to ličnu kartu i putnu ispravu BiH, radi upotrebe ovih isprava kao pravih, dana 06.10.2020. godine u općini Gradačac, izvadio Izvod iz matične knjige rođenih i Uvjerenje o državljanstvu na ime [REDACTED], da bi mu dana 08.10.2020. godine, Čalija Miroslav dao uputu i savjet govoreći mu da je za pribavljanje ove lične karte BiH potrebno pribaviti i dokument sa slikom, kao i dokaz da to lice ima prijavljeno prebivalište u BiH, da bi nakon toga po uputi Matković Milana, Vladica Rakić, dana 09.12.2020. godine u notarskoj kancelariji u Sarajevu, krivotvorenu osobnu iskaznicu R Hrvatske broj [REDACTED] upotrijebio kao pravu, stavivši je na uvid notaru [REDACTED], te svojim potpisom ovjerio prepis ove osobne iskaznice u upisnik [REDACTED] za dan 09.12.2020. godine, pribavivši ovjereni prepis ove osobne iskaznice, a potom Matković Milan dao uputu i Blagojević Mitru da obezbijedi „fiktivno“ prebivalište na ime [REDACTED], a sve kako bi se ispunili uslovi za izdavanje ovakve lične karte, a on dana 29.01.2021. godine u Goraždu, [REDACTED] lažno predstavio Rakić Vladicu kao osobu pod imenom [REDACTED], govoreći mu da [REDACTED] u Goraždu namjerava da pokrene „biznis“, te da mu je potreban prostor za stanovanje, a [REDACTED] po dogovoru sa Rakić Vladicom, koji mu se predstavio kao [REDACTED], pristao da mu iznajmi prostor za stanovanje na adresi [REDACTED] u Goraždu, dogovorivši sa Rakić Vladicom da istog dana odu u opštinu Goražde, gdje je [REDACTED] dao Izjavu prema kojoj lice po imenu [REDACTED] stanuje na navedenoj adresi, a Rakić Vladica dana 01.02.2021. godine u MUP-u BPK Goražde, ovu Izjavu upotrijebio prilikom podnošenja zahtjeva za prijavu prebivališta na ime [REDACTED], a potom sve navedene pribavljene isprave istog dana u MUP-u BPK Goražde priložio uz Zahtjev za izdavanje lične karte, potpisavši se kao u rubrici: „potpis podnosioca zahtjeva“ kao [REDACTED], sve s ciljem pribavljanja ove krivotvorene isprave, da bi istog dana dao punomoć [REDACTED] da po okončanju izrade preuzme ovu ispravu, što je on dana 18.02.2021. godine i učinio, da bi potom ovu krivotvorenu ličnu kartu na ime [REDACTED],

serijskog broja [REDACTED], predao Rakić Vladići, a on s ciljem pribavljanja krivotvorene putne isprave BiH, dana 22.02.2021. godine u MUP-u BPK Goražde, podnio zahtjev za izdavanje BiH pasoša, kojom prilikom je krivotvorenu ličnu kartu na ime [REDACTED] predao službenicima ovog ministarstva upotrijebivši je kao pravu, uz uplatu novca u ukupnom iznosu od 250,00 KM radi izdavanja ove putne isprave u roku kraćem od propisanog, a potom dana 26.02.2021. godine preuzeo krivotvoreni pasoš BiH broj [REDACTED] na ime [REDACTED], a istog dana i krivotvorenu ličnu kartu na ime [REDACTED] upotrijebio kao pravu u Foči, predočivši je službenicima [REDACTED], prilikom podnošenja zahtjeva za otvaranje računa u ovoj banci, da bi službenici ove banke izvršili kopiranje ove krivotvorene lične karte za dosje, koje vode o korisnicima ove banke.

III

Matković Milan zajedno sa drugim licima

U periodu od dana 11.10.2020. godine do mjeseca decembra 2020. godine, svjestan svog djela čije je izvršenje htio, posredstvom kriptovane aplikacije ANOM Matković Milan, zajedno sa licima koji su koristili JID [REDACTED] i JID [REDACTED], a potom i sa drugim njima poznatim licima, iz bezobzirne osvete imajući informaciju, da je [REDACTED] u prethodnom periodu fizički napao njihovog prijatelja [REDACTED], organizovali i dogovarali ubistvo [REDACTED], [REDACTED] iz Novog Sada, razrađujući plan njegovog ubistva u Novom Sadu, vršeci pripremne radnje za izvršenje ovog krivičnog djela u vidu opservacije kretanja [REDACTED] [REDACTED] posredstvom njima poznatih lica, tražeci direktnog izvršioca ubistva, nabavku vozila, eksploziva i drugih sredstva koja bi bila korištena prilikom likvidacije, znajući da na takav način stvaraju uslove za direktno učinjenje krivičnog djela Ubistvo iz člana 166. stav 2. KZ FBiH, što su i htjeli, da bi u navedenom periodu, a u cilju raelizacije navedenog plana utvrdili prebivalište imenovanog lica, kao marku i tip, te registarske oznake vozila, kojeg je u navedenom periodu koristio [REDACTED], pribavili ukradeno vozilo marke BMW 1, tamno sive boje koje će biti korišteno prilikom likvidacije i prikriivanja izvršioca i tragova krivičnog djela, te angažovali lice koje će lišiti života [REDACTED] postavljanjem eksplozivne naprave pod njegovo vozilo i aktiviranjem iste uređajem na daljinsko aktiviranje, pa nakon što, dana 10.11.2020. godine plan izvršenja navedenog krivičnog djela zbog objektivnih nemogućnosti nije izvršen, nastavili sa kontinuiranom komunikacijom i preduzimanjem aktivnih pripremnih radnji u cilju izvršenja predmetnog krivičnog djela, sve do mjeseca decembra 2020. godine;

Matković Milan zajedno sa drugim licima

Dana 02.08.2020. godine, tokom komunikacije ostvarene posredstvom kriptovane aplikacije ANOM, Matković Milan, svjestan svog djela čije je izvršenje htio, u namjeri lišenja života [REDACTED] iz bezobzirne osvete, s obzirom da je imao saznanja da je prethodno [REDACTED] tražio novac od [REDACTED] za navodni dug, podstrekavao [REDACTED] da izvrši

ubistvo [REDACTED], postavljanjem eksplozivne naprave u Beogradu i to posredstvom [REDACTED] poznatih lica, obećavajući mu dati novčanu nagradu za izvršenje ovog krivičnog djela, što je kod njega formiralo odluku za izvršenjem ovog krivičnog djela, te je [REDACTED] na isto pristao, pa je potom [REDACTED] u cilju počinjenja ovog krivičnog djela angažovao [REDACTED]

[REDACTED] kako bi upotrebom eksplozivne naprave lišili života [REDACTED], a do izvršenja planiranog krivičnog djela nije došlo iz razloga što su, dana 11.08.2020. godine, lišeni slobode od strane policijskih službenika MUP-a Republike Srbije, kojom prilikom je kod istih, prilikom pretresa stanova koje su koristili, pored veće količine oružja i municije pronađena i improvizovana eksplozivna naprava velike razorne moći sa prijemnikom i uređajem za daljinsko aktiviranje, namijenjena za ubistvo [REDACTED]

IV

Matković Milan, R.S., V.T., V.S., Č.M. i Š.D.

U navedenom vremenskom periodu, djelujući u sastavu grupe za organizovani kriminal, znajući da je novac pribavljen počinjenjem krivičnih djela neovlašteni promet opojnim drogama iz člana 195. stav 1. KZ BiH u inozemstvu i na teritoriji BiH, ovim novcem raspolagali, te ovaj novac držali, primali, prenosili, a s ciljem prikrivanja izvora i prirode ovog novca isti stavljali u legalne novčane tokove i koristili za kupovinu pokretnih i nepokretnih stvari, ulaganje u građenje stambenih objekata, plaćanja poreza na nepokretnosti, pri tome znajući, da na ovaj način vrše pranje novca u iznosu većem od 200.000,00 KM, što su i htjeli, pa su tako:

Matković Milan i S.V.

U Brčko distriktu BiH u ulici [REDACTED], u drugoj polovini 2020. godine, na parcelama označenim u K.O Stanovi broj [REDACTED], upisane u ZK ulošku broj [REDACTED], vlasništvo Matković Milana od 2019. godine, Matković Milan i Stjepić Vasilije ulagali ovaj novac u izvođenje radova izgradnje vikend objekta Matković Milana, a koje radove je nadzirao i kontrolisao Stjepić Vasilije, o čemu je obavještavao Matković Milana, te su lično ili preko lica povezanih Matković Milanu, vršili isplate novčane naknade radnicima za obavljene radove u iznosu od najmanje 11.000,00 KM, a ovako stečenim novcem finansirali i nabavku za ovu izgradnju utrošenog građevinskog materijala, za što su izvršili plaćanje u iznosu od najmanje 62.000,00 KM;

Matković Milan

Dana 15. i 16.08.2020. godine, kako bi izvršio kupovinu nepokretnosti na Ivanici, opština Ravno, dogovorio [REDACTED] iz R Srbije doputuje u BiH, na dan zaključenja ugovora o kupoprodaji nepokretnosti, gdje bi ga fiktivno naveo kao kupca, da bi 18.08.2020. godine u notarskoj kancelariji notara [REDACTED] u Čapljini, [REDACTED] i predstavnik

██████████, zaključili Ugovor o kupoprodaji broj ██████████, u kojem se kao kupac nepokretnosti označenih ██████████, parcela ██████████ površine 677 m², ██████████ površine 880 m² i ██████████ površine 794 m², navodi ██████████, iako je stvarni kupac ovih nepokretnosti Matković Milan po cijeni od 55,00 eura po m² ovog zemljišta, a za koje je u gotovini odgovornom licu ██████████ platio novčani iznos od 129.305,00 Eura, da bi potom, dana 27.08.2020. godine, između istih ugovornih strana bio potpisan Ugovor o kupoprodaji broj ██████████, prema kojem se kao kupac nepokretnosti označene u ██████████, parcela ██████████ površine 614 m², navodi ██████████, iako je stvarni kupac ove nepokretnosti Matković Milan po cijeni od 55,00 eura po m² ovog zemljišta, a za koju je u gotovini odgovornom licu ██████████ platio novčani iznos od 33.770,00 eura, pri čemu je Matković Milan u ove ugovore dogovorio upis unosa nižih kupoprodajnih cijena u Ugovoru ██████████ cijenu od 128.740,76 KM, a u Ugovoru ██████████ cijenu od 33.622,64 KM, a sve s ciljem prikrivanja stvarne visine i prirode isplaćenog novca;

Matković Milan i Č.M.

Tokom mjeseca februara 2021. godine, Matković Milan i Čalija Miroslav stupili u kontakt i dogovorili predmet kupovine, uslove i cijenu nepokretnosti koje su se nalazile na Ivanici, opština Ravno, sa odgovornim osobama pravnog lica ██████████, da bi potom Matković Milan dogovorio sa ██████████ da iz Republike Srbije dođe u BiH, na dan zaključenja ugovora o kupoprodaji nepokretnosti, gdje bi ga fiktivno naveo kao kupca, da bi 12.02.2021. godine u notarskoj kancelariji notara ██████████ u Čapljini, ██████████ i predstavnik privrednog društva ██████████, zaključili Ugovor o kupoprodaji broj ██████████, a u kojem se kao kupac nepokretnosti označenih u ██████████, parcela ██████████ površine 2295 m² i ██████████ površine 672 m², navodi ██████████, iako je stvarni kupac ovih nepokretnosti Matković Milan, a za koje je u gotovini odgovornom licu ██████████ platio novčani iznos od 150.000,00 Eura, pri čemu je Matković Milan u ovaj ugovor dogovorio upis unosa niže kupoprodajne cijene u iznosu od 53.406,00 KM;

Matković Milan i Č.M.

Početkom 2021. godine, Matković Milan i Čalija Miroslav stupili u kontakt i dogovorili predmet kupovine, uslove i cijenu nepokretnosti koje su se nalazile na Ivanici, opština Ravno, sa odgovornim osobama pravnog lica ██████████, da bi potom Matković Milan dogovorio sa ██████████, da ██████████ fiktivno navedu kao kupca nepokretnosti, a zatim i sa ██████████ da iz Republike Srbije dođe u BiH na dan zaključenja ugovora o kupoprodaji nepokretnosti, gdje bi ga fiktivno naveo kao kupca, da bi, dana 08.06.2021. godine u notarskoj kancelariji notara ██████████ u Čapljini, ██████████ i predstavnik privrednog društva ██████████, zaključili Ugovor o kupoprodaji broj ██████████, a u kojem se kao kupac nepokretnosti označenih ██████████, parcele ██████████ površine 630 m² i parcele ██████████ površine 842 m², navodi ██████████, iako je

stvarni kupac ovih nepokretnosti Matković Milan, istog dana [REDACTED] i predstavnik [REDACTED], zaključili Ugovor o kupoprodaji broj [REDACTED], a u kojem se kao kupac nepokretnosti označene u [REDACTED], parcela [REDACTED] površine 849 m², navodi [REDACTED], iako je stvarni kupac ovih nepokretnosti Matković Milan, te sa predstavnikom privrednog društva [REDACTED] istog dana i sam zaključio ugovor o kupoprodaji broj [REDACTED] od 08.06.2021. godine, u odnosu na nepokretnost označenu u [REDACTED], parcela [REDACTED], površine 1273 m², a za koje je platio novčani iznos od 197.670,00 Eura, pri čemu je Matković Milan u ove ugovore dogovorio upis unosa nižih kupoprodajnih cijena u Ugovoru [REDACTED] cijenu od 22.164,99 KM, u Ugovoru [REDACTED] cijenu od 12.784,02 KM, te u Ugovoru [REDACTED] cijenu od 19.168,50 KM, sve s ciljem prikrivanja stvarne visine i prirode isplaćenog novca;

Matković Milan i V.T.

Tokom mjeseca septembra 2021. godine, Matković Milan i Vidaković Tomislav stupili u kontakt i dogovorili predmet kupovine, uslove i cijenu nepokretnosti koje su se nalazile na području opštine Ravno, sa [REDACTED], da bi potom, dana 25.10.2021. godine, Matković Milan sa imenovanim licima u notarskoj kancelariji notara [REDACTED] u Trebinju, zaključio Ugovor o kupoprodaji broj [REDACTED], kojim je kupio udio u parcelama u omjeru [REDACTED] označenim u [REDACTED], površine 3600 m², [REDACTED] površine 2802 m² i [REDACTED] površine 1140 m², a za koje im je u gotovini platio novčani iznos od 24.000,00 Eura, pri čemu je Matković Milan u ovaj ugovor dogovorio upis unosa niže kupoprodajne cijene u iznosu od 12.000,00 KM, sve s ciljem prikrivanja stvarne visine i prirode isplaćenog novca;

Matković Milan i Č.M.

Tokom mjeseca avgusta 2020. godine, s ciljem kupovine nepokretnosti koje se nalaze u opštini Mostar, Matković Milan, dana 16.08.2020. godine dao uputu [REDACTED] da stupi u kontakt sa [REDACTED] i dogovori kupovinu nepokretnosti koje su posjedovali u ovoj opštini, da bi potom, Matković Milan s ciljem realizacije ove kupovine sa prodavcima, dogovorio da Čalija Miroslav postupa kao njihov punomoćnik pri prodaji nepokretnosti, za što mu je pribavio i dao punomoći ovih osoba, a sa [REDACTED] dogovorio da postupa kao punomoćnik [REDACTED], kao lica koje bi se navelo kao kupac ovih nepokretnosti, da bi, dana 23.11.2020. godine, u notarskoj kancelariji notara [REDACTED], kao punomoćnici navedenih osoba, zaključili Ugovor o kupoprodaji broj [REDACTED], u kojem su kupac nepokretnosti označenih u [REDACTED], parcele [REDACTED] površine 3700 m², [REDACTED] površine 4567 m², [REDACTED] površine 4000 m² i [REDACTED] površine 4000 m² za novčani iznos od 20.000,00 KM, navodi [REDACTED], iako je stvarni kupac ovih nepokretnosti Matković Milan, a koje je kupio s ciljem da ih stavi na dalje raspolaganje Čalija Miroslavu, koji je inače i nastanjen [REDACTED] u opštini Mostar;

Matković Milan, S.V., V.T., Č.M.

Tokom 2020. i 2021. godine, novac stečen izvršenjem krivičnog djela po uputama Matković Milana držali, prenosili, te stavljali u redovne novčane tokove prikrivajući stvarnu prirodu ovog novca, pa je tako Čalija Miroslav, dana 24.09.2021. godine, po uputi Matković Milana novac u iznosu od 25.967,20 KM, koji mu je prethodno predao, uplatio na račun opštine Ravno, radi izdavanja odobrenja za građenje na [REDACTED] u opštini Ravno, a Matković Milan, dana 09.04.2021. godine, posredstvom njemu poznatog lica na račun opštine Ravno radi izdavanja odobrenja za građenje na [REDACTED] u opštini Ravno, uplatio iznos od 20.360,64 KM, dana 21.10.2020. godine Čalija Miroslav po uputi Matković Milana za potrebe izvođenja radova na prethodno kupljenim parcelama na Ivanici, Matković Milanu izvršio kupovinu bagera marke Komatsu sa iskopnom kašikom i hidrauličnim čekićem od privrednog društva [REDACTED] [REDACTED] uplativši novčani iznos od 11.700,00 KM na račun ovog privrednog društva, da bi, dana 16.02.2021. godine, po uputi Matković Milana prodao navedeni čekić privrednom društvu [REDACTED] [REDACTED] po cijeni 4.000,00 KM, koji iznos mu je, dana 22.02.2021. godine i uplaćen na račun koji posjeduje u [REDACTED], a novac u iznosu od 30.000,00 Eura koji mu je ranije, dana 04.02.2021. godine po uputi Matković Milana predao [REDACTED], po daljim uputama Matković Milana predao [REDACTED], uposleniku [REDACTED], kojeg su angažovali za kupovinu novog hidrauličnog čekića, da bi, 16.02.2021. godine posredstvom [REDACTED] [REDACTED], kojem su predali novac i firme [REDACTED] od privrednog društva [REDACTED] kupili hidraulični čekić marke Epiroc MB 1650 po cijeni od 57.330,00 KM, na način da je ovo društvo izvršilo isplatu navedenog novčanog iznosa privrednom društvu [REDACTED], da bi istog dana, navedni čekić na parcelama u Ivanici, opština Ravno, od uposlenika firme [REDACTED] [REDACTED] preuzeo Vidaković Tomislav, potpisujući se kao uposlenik privrednog društva [REDACTED] [REDACTED], da bi u navedenom vremenskom periodu, posredstvom ovog privrednog društva angažovali i privredno društvo [REDACTED] koje je vršilo radove bušenja i miniranja na parcelama Matković Milana na Ivanici, na ime čega je Čalija Miroslav, po uputi Matković Milana [REDACTED] uposleniku [REDACTED] predao novčani iznos od 14.000,00 KM, a Matković Milan posredstvom Čalija Miroslava angažovao i arhitektu u cilju sačinjavanja projektne dokumentacije za izgradnju stambenih objekata na parcelama na Ivanici, dajući upute da se na projekte stavi ime: [REDACTED], kao vlasnika parcela, te [REDACTED]: [REDACTED], kao nosioca gradnje, sve kako bi prikrilo stvarno porijeklo novca, a na ime naknade za obavljene poslove i savjete po uputi Matković Milana, Čalija Miroslav do 18.11.2020. godine arhitekti isplatio novčani iznos 10.000,00 Eura, a istog dana, pored ovog novca kojeg je prethodno preuzeo od [REDACTED], prema uputama Matković Milana preuzeo još i 5.000,00 Eura, a u navedenom vremenskom periodu, Čalija Miroslav po uputi Matković Milana za potrebe izvođenja radova na Ivanici, kupio dva kontejnera po cijeni od 2.700,00 Eura, da bi od februara 2021. godine, držao i po uputama Matković Milana raspolagao ovako stečenim novcem, na način da bi, navedeni novac koristili za plaćanje izvođenja građevinskih radova i kupovine objekata na

Ivanici, koji su mu radi daljeg skrivanja stvarnog porijekla novca po uputama Matković Milana donosili i predavali, dana 01.02.2021. godine [REDACTED] u iznosu od 30.000,00 Eura, a dana 01.03.2021. godine njima poznato lice u iznosu od 30.000,00 Eura, dana 05.03.2021. godine Stjepić Vasilije novac u iznosu od 31.500,00 Eura, koji je ovaj novac držao u prethodnom periodu, te potom po uputi Matković Milana prenio i predao Čalija Miroslavu, što je uradio ispred policijske stanice [REDACTED] u Mostaru, a s ciljem daljeg prikrivanja novca stečenog počinjenjem krivičnih djela i njegovog daljeg stavljanja u legalne novčane tokove, Vidaković Tomislav po uputama Matković Milana početkom 2021. godine, angažovao radnike na ravnanju terena i radu na iskopima za gradnju vila na Ivanici, isplaćujući plate radnicima u iznosu od najmanje 8.000,00 KM, te nadzirući izvođenje radova o čemu je redovno izvještavao Matković Milana;

Matković Milan, Š.D, S.V. i R.S.

Matković Milan dana 29.01.2021. godine, izvršio kupovinu teretnog vozila MAN broj šasije [REDACTED], a novac za kupovinu ovog vozila posredstvom Stjepić Vasilija u iznosu od 20.000,00 Eura u Brčkom i posredstvom Ratković Saše u iznosu od 22.000,00 Eura u Trebinju, koji su ovaj novac po uputama Matković Milana u ranijem periodu držali, predao Šiniković Draženu, direktoru i licu ovlaštenom za zastupanje u privrednom društvu Šiniković d.o.o Trebinje, da bi on po uputi Matković Milana, dana 28.01.2021. godine ovaj novac lično u vidu pozajmice uplatio na račun svoje firme, a istog dana, posredstvom dva njemu poznata lica izvršio i još dvije uplate pozajmica na firmu Šiniković d.o.o Trebinje u iznosu od po 29.000,00 KM, te ovim novcem posredstvom svoje firme 29.01.2021. godine, izvršio plaćanje navedenog vozila privrednom društvu [REDACTED] u iznosu od 77.830,00 KM, na osnovu čega je ovo vozilo od dana 01.02.2021. godine „fiktivno“ postalo vlasništvo privrednog društva „ŠINIKOVIĆ“ d.o.o Trebinje, iako je stvarni vlasnik bio Matković Milan i sa kojim vozilom su kontinuirano izvođeni radovi na njegovim parcelama na Ivanici, da bi 19.10.2021. godine kod Osnovnog privrednog suda u Trebinju, na osnovu Ugovora Matković Milana i Šiniković Dražena o prenosu udjela i promjeni osnivača tog društva Šiniković d.o.o Trebinje, bile upisane promjene ove firme i to promjena sjedišta i adrese, promjena lica ovlaštenog za zastupanje i osnivača uz prenos osnivačkog dijela, na način, da se mijenja naziv društva i da će isto poslovati pod imenom [REDACTED] [REDACTED], da iz društva istupa osnivač/član Šiniković Dražen, te prenosi osnivački udio, prava i obaveze na osnivača/člana Matković Milana, koji pristupa društvu, da se iz registra poslovnih subjekata briše lice ovlašteno za zastupanje Šiniković Dražen, a upisuje Matković Milan, kao direktor bez ograničenja ovlaštenja, te se mijenja i adresa sjedišta društva, a dana 20.04.2022. godine, bila izvršena i promjena podataka o vlasniku navedenog vozila na pravni subjekt [REDACTED], čiji je direktor bez ograničenja ovlaštenja Matković Milan;

Matković Milan i Š.D.

Tokom mjeseca decembra 2020. godine, Matković Milan, dao uputu Šiniković Draženu da mu pronađe i kupi kamion i priključno vozilo, koje bi koristili za prevoz opojne droge, da bi ga Šiniković Dražen 28.12.2020. godine, obavjestio da se po cijeni od 15.000,00 Eura prodaje kamion, kao i da bi kupovinu ovog kamiona obavili preko [REDACTED], pa je, dana 30.12.2020. godine Matković Milan posredstvom [REDACTED] predao Draženu ovaj novčani iznos od 15.000,00 Eura, a potom Šiniković Dražen, dana 05.01.2020. godine, zajedno sa [REDACTED] sa pomenutim novcem otišao i dogovorio kupovinu teretnog motornog vozila marke MAN, broj šasije [REDACTED], sa predstavnikom pravnog lica [REDACTED] za iznos od 18.000,00 KM, uz dogovor da na računu bude naznačena cijena ovog vozila od 6.084,00 KM, da bi tom prilikom [REDACTED] predstavniku ovog pravnog lica predao novčani iznos od 10.000,00 KM, a u kasnijem periodu mu isplatio i ostatak dogovorenog novčanog iznosa, a potom Šiniković Dražen, istog dana obavjestio Matković Milana da je pronašao i pogodno priključno vozilo za kamion po cijeni od 6.500,00 Eura, da bi mu zatim Matković Milan, dana 20.01.2021. godine, posredstvom [REDACTED] predao navedeni novčani iznos, a [REDACTED] u Čelincu, od dijela ovog novca izvršio kupovinu priključnog vozila marke „SCHMITZ“, reg. broj šasije [REDACTED] za iznos od 1.521,00 KM, a sve s ciljem da bi navedena teretna vozila koristili za transport opojne droge.

Čime bi:

Matković Milan, počinio krivično djelo Organizovani kriminal iz člana 250. stav 3. KZ BiH, u vezi sa krivičnim djelom Neovlašteni promet opojnim drogama iz člana 195. stav 1. i 3. KZ BiH, Pranje novca iz člana 209. stav 3., u vezi sa stavom 1. KZ BiH, krivičnim djelom Krivotvorenje isprave iz člana 373. stav 2., u vezi sa stavom 1. Krivičnog zakona Federacije Bosne i Hercegovine, krivičnim djelom Pripremanje krivičnog djela iz člana 339. KZ F BiH, u vezi sa krivičnim djelom ubistva iz člana 166. stav 2. KZ F BiH, i krivičnim djelom ubistva iz člana 166. stav 2. KZ F BiH, u vezi sa članom 32. stav 2. KZ F BiH.

**TUŽILAŠTVO BiH
TUŽILAC**